

Et ex improviso incussam, hominem contagio Pestifera infici necesse esset. Quod autem pavidum ac meticulosum tempore huius Luis grassantis citius aliis tam calamitoso malo exponantur, eiq; obnoxii fiant, id accidit propter preconceptum jam antea fomitem, intus in corpore quietè latitantem, hic enim per metum agitat, Et quasi in actum traductus, propulsâ ejus malignitate versus Cor, Pestiferum adfectum infert.

DISTINCTIO VII.

SIGNA Futuram Pestem denunciantia

Signa pestis quotnam sunt?

SIGNA
Pestem
futuram
denunci-
antia

Duplicia. Alia futuram denunciant Pestem: Alia presentem indicant.

Quæ signa demonstrant futuram
Pestem?

Cœlestia
Signa

Ea sunt in quatuorplex differentia, nimirum, 1. Cœlestia
2. Aerea. 3. Aquea. 4. Terræ.

Cœlestia quænam sunt?

1. Maligna Syderum conjunctiones, eorumdemq; ad-
spectus infelices, inprimis verò Saturni Et Martis. 2. Co-
metarum adparitiones. 3. Eccipses varie. 4. Ueberior
Chasmatum proventus. 5. Frequentes Stellarum caden-
tium ut Et Parelitorum Et Halonum adspectus. 6. Stella-
rum ardentium in cœlo oberrantium concursus, nannum-
quàm elisso, Et in terram prolapsio. 7. Trajectionum inusita-
tarum, Trabium ignitarum, aliorumq; ut onduqua genera-
tiones

tionem. Quæ omnia cum Aerem sæpè variis ^{vocē gōis mīto-}
pau implerant, idcirco non immeritò mortalibus metum
Pestis injiciunt.

Aerea Signa quæ dicis?

Aerea Si-
gna.

1. Tempora anni, naturalem suam Crasin non servantia,
sed ab eâ sæpè exorbitantia, ut cum Autumnus non in Hye-
mem, sed Ver abire videtur, maximè verò cum Aer toto fe-
rè anno humet à nebulis aut pluviis, sig, tunc Hyeme suam
algiosam vim non exerueris, & si Ver frigeat, aestasq; hu-
mida ac tepida sit, nam talis mador in humorum proven-
tum luxuriat, & calor ad putredinis promotionem facit.
2. Pluvias prodigiosarum ac insolentium rerum, ut rana-
rum, murium, sanguinis, carnis, lactis, lumbricorum, & si-
milium. 3. Nebularum crassarum ac foetidarum copioso-
rem proventum ac generationem.

Aquea qualia sunt?

Aquea S-
gna.

1. Aquarum seu Fluminum gravescentia seu foetor in-
gens. 2. Fontium ex puritate ac limpiditate nativâ in-
feculentam ac turbidam substantiam commutatio. 3. Pi-
scium fluminibus innatantium seu piscinis altorum, repen-
tinus magnusq; interitus. 4. Rubetarum & Ranarum
multiplicatio. 5. Cancrorum, Aviumq; aquatiliū, de-
sertis propriis latebris in fluminum oras seu margines e-
gressio, vel in continentem proreptio. 6. Insolentes Aqua-
rum excursus seu eluviones, multas sordes secum devehen-
tes.

Terrea tandem quæ sunt?

Terrea Si-
gna.

1. Insolita terrarum sterilitas. 2. Satorum, Germi-

G

num,

num, Vitium & Arborū marcor & Syderatio. 3. Boletorum, Fungorum, aliarumq; rerum graveolentium insolens proventus ac copia. 4. Terra motus seu concussio ingens. 5. Rosarum, Violarum, aliorumq; Florum sub Autumni tempus nova progerminatio. 6. Bubonum ditorum & feralium nocturni clamores seu ululatus.

Ex his commemoratis Signis praegressis, non indubie futuram Pestem quis predicere potest.

Suntne præter hæc, etiam quædam Specialiora Signa, futuram Pestem denunciantia?

Signa specialiora
utura
Pestis,

Imò sunt, & quidem Varia ac multiplicia, qua ordine nunc recensebo. 1. Bst Contagium in vicinis locis serpens. 2. Variolarum & Morbillorum promiscue cum pueros cum adultos infestantium crebrior exortus seu adparitio. 3. Fames, seu alimentorum idoneorum ingens penuria. 4. Strages ingens vel hominum occisorum in pralio, sepultura carentium, vel animalium, ob corrupti pabuli devorationem cateruatim mortuorum. 5. Numerosior Ranarum, Buffonum, Muscarum, Papilionum, Erucarum, Scarabeorum, aliorumq; Insectorum progeneratio. 6. Mascularum variarum, præsertim nigrarum in linguis ranarum adparitio, harumq; mutua inter se consensio. 7. Avium ex propriis nidis discessio, & in salubriora loca transigratio. 8. Murium, Serpentum, Talparum & c. ex latebris suis repentina fuga. 9. Carnium Fructuumq; aeris non diu expositorum cita corruptio vel verminatio. 10. Omnium obsoniorum generum in patentibus conclavibus repositorum sitis & mucoris inductio. 11. Panis recens & furno ex-

tracti

tracti, calideq; lancea impositi, manē contracta muciditas
& corruptio. 12. Ovorum mollium ac recentium, subita-
nea à nocturno aere facta putredo ac corruptio.

Hæc Signa prægressa non, obscurè Pestem instantem
præfagiunt.

Quæ verò Signa Pestem præsentem
inducunt?

Signa Pe-
stem præ-
sentem in-
dicantia.

Pestis cum magnam multiplicemq; horrendorum
Symptomatum turbam secum trahat, idcirco Signa indi-
cantia, aliquem verè Pestifero veneno infectum esse, non
semper sunt eadem, sed cum primum hominem invadit hoc-
cè malum, inconstantes admodum notas habet: nam quibus-
dam cum horrore ac frigore accedit, aliis cum calore. Ut
plurimum tamen sequentia Signa, cœu Pathognomonica,
Pestiferam Luem prodere ac detegere solent, idq; tantò ma-
gis, si constet, plures in vicinia hoc morbo laborare & adfici.

1. Est spontanea lassitudo totius corporis, citra omnem
causam manifestam & repentina Virium omnium prostra-
tio. 2. Febris putrida, Cujus calor sæpè intus & extra
se se prodit, interdum verò intus solum magnus est, extra
verò mitis; nonnumquam nec intus nec extra magnus ad-
modum percipitur. 3. Insignis dolor Capitis, adeo adfli-
gens, ut præ ejus sævitia agrotantes vix reliquorum Sym-
ptomatum passionēs sentiant. 4. Vigilia nimis atque
intense, adeo ut omnem ad somnum agrotæ propensionem
eripiant, unā cum inquietudine & anxietate maximā to-
tius corporis.

5. Interdum tamen loco Vigiliarum quidam Lesbargo corripuntur, seu in profundum somnum precipitantur, à quo vix excitari queunt. 6. Delirium ingens, unde multa absorta ac ridicula loquuntur, nec adstantes aut familiares agnoscunt. 7. Cordis palpitatio & Syncope, ob quam sæpe frigidos sudores emittunt, & jam jam se animam quasi efflare velle videntur. 8. Pulsus Arteriarum, imprimis carpi, obscurus, languidus, parvus, tremulus ac intercidens. 9. Cardialgia, seu compressio ingens circa præcordia, unde se Corde dolere dicunt. 10. Vomitus crebri, unde tum alimenta, tum medicamenta ingesta rejiciunt, nec continere possunt. 11. Summa adpetitus prostratio, ob quam aversantur maximè omnes cibos, nec eorum odorem ferunt. 12. Sitis ingens, unde propter perurentem internum aestum, potum subinde flagitant, nec eo satiari possunt. 13. Linguae scabrities & exustio, fauciumq; ariditas maxima, ob quam difficilior fit deglutitio. 14. Alvi fluxus immoderatus, quo putrida & fœtidissima quæq; excernuntur. Alii contra eam adstricta valde habent. 15. Macula seu Petechie varicolores per corporis superficiem hinc inde dispersa, quæ tamen non omnibus superveniunt. 16. Bubonum seu Carbunculorum vel juxta Aures, vel axillas, vel inguina, aut aliis in locis eruptio, quæ interdum fit primo morbi initio, interdum verò post aliquot dies, suntq; pauci qui ejusmodi Tumoribus non insigniuntur.

Hæc sunt præcipua Signa, quibus an aliquis Pestilenti contagio tactus sit nec ne dignoscere licet, quæ tamen, ut modo dictum, non junctim omnia, neq; eadem omnibus semper accidunt, sed alia aliis, & nunc plura, nunc pauciora sese

osten

ostendunt, prout fert peculiaris cuiusq; natura, & veneni populariter saviensis adfectio, nec non humorum in corporibus aliis, alia dispositio, harumq; vel illarum partium majus robur vel debilitas, tandemq; prout materia morbifica ad hanc vel illam partem ruit, impetumq; facit.

DISTINCTIO IIX.

PROGNOSTICA Signa

Prognostica Signa Pestis quotuplicia sunt?

Prognostica Signa Pestis

Duplicia. 1. Quaedam enim respiciunt ipsum hominem, quatenus nimirum hic vel ille Pesti suscipienda magis minusve obnoxius est. 2. Quaedam vero concernunt Salutis vel Mortis presagium in illis, quos infecit sava hac Lues.

Quæ igitur Corpora citius vel tardius aliis, Peste corripuntur?

1. Corpora Sanguineo temperamento prædita, citius recipiunt Pestem, quam quæ phlegmaticam ac melancholicam obtinent constitutionem.
2. Naturâ Biliofi, maximè quoq; habiles idoneiq; habentur ad ejusmodi contagiosam infectionem.
3. Melancholici, quamvis omnino sibi à Pestilenti contagio immunitatem spondere nequeant, eos tamen non ita celeriter ac reliquos, aura Pestifera invadit ac prostermit.
4. Senum corpora non ita prompta sunt ad labem hanc suscipiendam, atq; Juvenes.

Qui citius vel tardius aliis Peste corripantur